

Samningur

mennta- og menningarmálaráðuneytis

við KFUM og KFUK á Íslandi

um rekstrarframlag

Mennta- og menningarmálaráðuneyti, kt. 460269-2969, í samningi þessum nefnt ráðuneyti, og KFUM og KFUK á Íslandi kt. 690169-0889 í samningi þessum nefnt KFUM og KFUK, gera með sér svofelldan samning.

1. Markmið, verkefni og starfsemi

1.1. Meginmarkmið með samningi þessum er að:

- Rækta skyldur ríkisins á sviði æskulýðsmála sbr. 3. gr. æskulýðslaga nr. 70/2007.
- Tryggja framgang stefnu málefna sviðs 18 í málaflokki 18.4, sbr. fjármálaáætlun 2018-2022.

1.2. Verkefni

KFUM og KFUK skuldbindur sig:

- Að standa fyrir faglegu og uppbyggilegu starfi með börnum og ungmennum, með það að markmiði að efla þau og þroska til ábyrgðar, með kristileg lífsgildi og samfélagslega ábyrgð að leiðarljósi. Starfið fer m.a. fram með námskeiðum, fjölbreyttum viðburðum, vikulegum og umfangsmiklu sumarbúðastarfi.
- Í samstarfi við aðildarfélag mun KFUM og KFUK keppa að því að gefa sem flestum kost á að taka þátt í félagsstarfi sínu, m.a. með því að hafa það opið almenningi og gæta áfram hófs í þátttökugjöldum svo fjárhagsleg staða barna og unglinga takmarki ekki möguleika þeirra til þátttöku.

1.3. Starfsemi

- Í samræmi við árlega starfsáætlun, sbr. gr. 5.2. skal starfsemi KFUM og KFUK miðast að því að samræma starf aðildarfélaganna og auka samstarf þeirra á milli, stuðla að vönduðu og skilvirku starfi og tryggja fagleg vinnubrögð í umsjálfu fjármuna. KFUM og KFUK veitir aðildarfélögum sínum aðstoð, stendur fyrir fræðslu til iðkenda og leiðtoga í starfi félaganna og sinnir erlendu samstarfi. Þá gerir KFUM og KFUK þá kröfu til starfsmanna og leiðtoga sinna að þeir hafi hreint sakavottorð og hafi sótt námskeiðið Verndum þau.

1.4. Áherslur

KFUM og KFUK og aðildarfélag þess:

- Taki mið af framkvæmdaáætlun Æskulýðsráðs í æskulýðsmálum.
- Vinni gegn hatusorðræðu á netmiðlum og í starfinu.
- Hafi aðgerðaráætlun ef upp koma mál er tengjast kynferðislegri áreitni, ofbeldi, einelti og annarri ógnandi óæskilegri hegðun.

2. Forsendur samnings, lagaheimildir og lagaskyldur

- 2.1. Ráðuneytið gerir samning þennan á grundvelli heimildar í 42. gr. laga um opinber fjármál nr. 123/2015 og reglugerðar nr. 642/2018.
- 2.2. Ráðuneytið annast samskipti aðila vegna samningsins við fjármála- og efnahagsráðuneyti, sbr. 1. mgr. 21. gr. laga nr. 123/2015 um opinber fjármál, og við Alþingi.

SR/LA

- 2.3. Framlag í samningi þessum fellur undir stefnu ráðherra á málefnasviði 18 menning, listir og íþróttir og æskulýðsmál, málaflokki 18.4, íþróttir- og æskulýðsmál sbr. 20. gr. laga um opinber fjármál nr. 123/2015.
- 2.4. KFUM og KFUK skal hafa kynnt sér lög og reglugerðir sem gilda um verkefnið og skuldbindur sig til að starfa samkvæmt þeim. Vakin er sérstök athygli samningshafa á eftirfarandi lagaákvæðum: æskulýðslög nr. 70/2007, lög um samning Sameinuðu þjóðanna um réttindi barnsins nr. 19/2013, lög um ríkisendurskoðanda og endurskoðun ríkisreikninga nr. 46/2016 og lög um opinber fjármál nr. 123/2015.

3. Fjárhagsleg skuldbinding ráðuneytisins

- 3.1. Heildarskuldbinding samningsins er 112,8 m.kr. á samningstímanum.
- 3.2. Framlag ráðuneytisins er 37,1 m.kr. árið 2018. Framlagið hækkar árið 2019 og verður 37,6 m.kr. og árið 2020 verður framlagið 38,1 m.kr.
- 3.3. Verði gerð breyting á fjárheimildum til málaflokks 18.4 íþróttir og æskulýðsmál í fjárlögum geta aðilar tekið upp viðræður um aðlögun rekstrarins að breyttri fjárveitingu.
- 3.4. Gerður er fyrirvari um að stjórnvöld kunna að ákveða aðhaldsaðgerðir við samþykkt fjárlaga og á KFUM og KFUK ekki kröfu á ríkissjóð eða rétt á bótum þótt framlag til samningsins verði lækkað eða fellt niður. Séu gerðar almennar aðhaldskröfur af hálfu ríkisins til málaflokks 18.4 er heimilt að gera sömu kröfur til aðhalds í rekstri verkefna sem falla undir málaflokk 18.4 hjá KFUM og KFUK.
- 3.5. Fjárhagsleg ábyrgð ríkisins vegna rekstrarverkefnisins takmarkast við þær fjárhæðir sem eru í samningnum.
- 3.6. Árlegt framlag verður greitt í tólf jöfnum hlutum fyrsta dag hvers mánaðar. Greitt verður inn á bankareikning viðskiptabanka KFUM og KFUK enda uppfyllir samningshafi öll skilyrði og kröfur sem samningur þessi kveður á um.

4. Ábyrgð

- 4.1. KFUM og KFUK ber ábyrgð á starfsemi sem samningur þessi tekur til og að hún fullnægi kröfum um fagmennsku og gæði. KFUM og KFUK skal geta lagt fram gögn og skýrslur þessu til staðfestingar, sé eftir því leitað.
- 4.2. KFUM og KFUK ber ábyrgð á skuldbindingum sem það eða aðilar á þess vegum stofna til í tengslum við samning þennan.
- 4.3. KFUM og KFUK er óheimilt að:
 - afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.
 - framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um samningsveð nr. 75/1997.

5. Upplýsingar, samskipti og eftirlit vegna fjármála og verkefna

- 5.1. Ráðuneytið hefur eftirlit með framkvæmd samningsins.
- 5.2. KFUM og KFUK skal skila ráðuneytinu árlega stefnuskjali til þriggja ára sbr. 31. gr. í lögum nr. 123/2015 um opinber fjármál. Í stefnuskjalinu skal koma fram helstu markmið og aðgerðir KFUM og KFUK. Stefnuskjalið skal taka mið af stefnu ráðherra fyrir málaflokk 18.4 sem birtist í fjármálaáætlun til næstu fimm ára og greinargerð málefnasviðs 18 sem birtist í fjárlagafrumvarpi hvers árs. Stefnuskjalið er viðhengi við samning þennan.
- 5.3. KFUM og KFUK skal skila ráðuneytinu ársáætlun um rekstur og starfsáætlun yfirstandandi árs, sbr. gr. 1.3. þar sem fram komi m.a. áætlun um ráðstöfun framlagsins og helstu markmið sem unnið verður að fyrir lok mars ár hvert. Einnig skilar KFUM og KFUK upplýsingum um ný verkefni eða breytingar sem kunna að verða á rekstri KFUM og KFUK.
- 5.4. KFUM og KFUK skal skila ráðuneytinu endurskoðuðum ársreikningi ársins á undan með skýringum fyrir lok júní ár hvert og skal afrit jafnframt sent Ríkisendurskoðun.
- 5.5. Fulltrúar ráðuneytisins og KFUM og KFUK funda að lágmarki árlega um samninginn og framkvæmd hans. Fyrir lok nóvember skilar KFUM og KFUK ráðuneytinu greinargerð um framkvæmd samningsins þar sem fram komi m.a. staða verkefna og hvernig framlagi var

4/24

ráðstafað miðað við áætlun. Einnig skal gera grein fyrir mælikvörðum og viðmiðum sem lögð eru til grundvallar árangri á verkefninu sbr. stefnuskjali.

- 5.6. KFUM og KFUK skilar ráðuneytinu öllum þeim upplýsingum sem ráðuneyti kallar eftir í tengslum við samning þennan, m.a. um rekstur KFUM og KFUK. Ráðuneytinu er heimilt að birta þær upplýsingar opinberlega.
- 5.7. KFUM og KFUK veitir ráðuneytinu upplýsingar sem það kallar eftir vegna eftirlits með framkvæmd samningsins. Ráðuneytið hefur heimild til að gera sjálft eða fela öðrum að gera athuganir og úttektir á öllum eða einstaka þáttum í framkvæmd samningsins. Við eftirlit hefur ráðuneytið óheftan aðgang að öllum gögnum sem máli skipta.
- 5.8. Samning þennan, ársreikning KFUM og KFUK, sbr. grein 5.4., og greinargerð um framkvæmd samnings, sbr. grein 5.5., skal birta á vef KFUM og KFUK jafnóðum og gögn liggja fyrir. Ráðuneytinu er heimilt að birta gögnin á vef sínum.


6. Vanefndir og meðferð ágreinings

- 6.1. KFUM og KFUK tilkynnir ráðuneytinu tafarlaust ef það telur vafa leika á að það geti uppfyllt skyldur samkvæmt samningnum og greinir jafnframt frá úrræðum sem það hyggst grípa til.
- 6.2. Ráðuneytinu er heimilt að fresta, draga úr eða stöðva og endurkrefja greiðslur uppfylli KFUM og KFUK ekki skyldur sínar samkvæmt samningi þessum.
- 6.3. Samningsaðilar skulu leitast við að jafna ágreining, ef einhver er, sín á milli.
- 6.4. Dómsmál sem rísa kann út af samningi þessum skal rekið fyrir Héraðsdómi Reykjavíkur.

7. Gildistími og lok samnings

- 7.1. Samningurinn gildir frá 1. janúar 2018 til 31. desember 2020.
- 7.2. Hvor aðili um sig getur óskað eftir því að einstök ákvæði samnings þessa eða samningurinn í heild verði tekinn til endurskoðunar, enda séu færð fyrir því efnisleg rök. Endurskoðun skal þá hefjast svo fljótt sem verða má.
- 7.3. Óski annar hvor aðila eftir að segja samningnum upp skal það gert skriflega með þriggja mánaða fyrirvara
- 7.4. Samningur þessi er gerður í tveimur samhljóða eintökum og heldur hvor samningsaðili eintaki.

Reykjavík, 24. apríl 2019


Lilja Alfreðsdóttir
mennta- og menningarmálaráðherra


Sólveig Reynisdóttir, formaður
KFUM og KFUK á Íslandi